

سنه لکى درسعدت ايچون مجديه
يکرمى غروش حساييله التمش
غروشدر

طشمره ايچون بوسته احرقتى اوله رق
اون بش غروش ضم اولتور

نسخه سى ٤٠ پاره در

فکرانک کورک

آبونه اولقى ايستيلرداثره عدليه ده
اداره مخصوصه سنه مراجعت
ايتلدر

اعلانانک بهرندن بر مجديه اخذ
ايديلور

نسخه سى ٤٠ پاره در

هفته ده ابكى دفعه جمعه ايرتسى و چهارشنبه كونلرى نشر اولتور . محتوياتى امور عدليه به متعلقدر

تجربيات

اورفه سنجاغى بدایت محكمه سى مدعى عمومى
معاونلىکى نابلس سنجاغى بدایت محكمه سى مدعى
عمومى معاون سابقى وصاف افندى به
استروجه قضاسى بدایت محكمه سى جزا دائره سى
رياستى اورخانه قضاسى بدایت محكمه سى جزا
دائره سى رئيس سابقى مظهر افندى به
صادى شعبان قضاسى بدایت محكمه سى مدعى
عمومى معاونلىکى مکتب حقوق شاهانه ماذونلرندن
عزتلو رشاد بکه تفويض بيورلمش ومومى اليهمدن
محلف اولميان رشاد بکک اجراى تحليفى در دست
بولنشدرد .

محاکمات مؤقعرات

درسعدت جنایت محکمه سنه :

ارباب فساددن اولدينى ادعاسيله متهم
فرارى ادهم روحى حقنده اصول محاکمات
جزاييه قانوننک اوچيوز يتمش برنجى ماده سى
موجبجه معامله مقتضيه ايفا ومحاكمه غيايه سى
بالاجرا نتيجه سنه مرقومک مقدمات مکتب
طبيه شاهانه طلبه سندن ايکن اوروپايه فرارله
اوباب فسادده التحاق ونشريات خاٹانه به اجتسار
ايلمسندن طولاني محکمه جنایتيه محاکمه سى
اجرا اولنه رق مؤبداً قلعه بند ايدلمسنة حکم
اولنمش ومؤخرأ عاطفت ومرحمت سنیه جناب
خلافتپناهی به وغفو عالی به مظهر بيورلمش
اولدينى حالده بوکره ينه فلبه ده نشريات
مفسد تکارانه به مجاسرت ایلدیكى ثابت اولمغله

قانون جزانک اللى سکرنجى ماده سنک فقره
اولاسنه توفيقاً مؤبداً قلعه بند ايدلمسنة و او توز
برنجى ماده قانونيه منطوقتيه حقوق مدنيه دن
بالاسقاط اموال محجوزه سنک على الاصول
اداره ايتديرلمسنة محکمه مذکورده دن حکم
اولنمش و اصول محاکمات جزاييه قانوننک اوچيوز
يتمش بدنجى و اوچيوز يتمش سکرنجى و اوچيوز
سکسان برنجى ماده لريله مواد سائر سى احکامنه
توفيق معامله اولنسى مرجعنه بيلديرلمش اولمغله
ذکر اولنان اوچيوز يتمش سکرنجى ماده نک
جله احکامندن اولدينى اوزره اعلان کيفيته
ابتدار اولتور .

حسين بن حسن حوک وعبداه سيد بن دوريشطى به
قتل قصديه سلاح انداخت ايلدکارى ادا قلنمسندن
دولايى جنایته اتهام اولنان آدم بن سليمانک اوچ
ورفيق آدم بن اسماعيلک دخى درت سنه مدتلرله
کورکه قونلرینه دائردراج سنجاغى بدایت محكمه سى
جزا دائره سندن اعطا قلنان ٨٨ نومرولى اعلام
قوايه نک لوز کير قريه سندن سنان آدم طوقه نک
قاتلى امين بن برچيم لاجينه معاونت ايلديكى ادا
اولنمسندن دولايى جنایته اتهام اولنان ارسلان بن
موسانک اوچ سنه مدته کورکه قونلسنه دائر دراج
سنجاغى بدایت محكمه سى جزا دائره سندن ويريلان
٦١ نومرولى اعلام

قتل قصديه اولمقسز بن ايضاع ايتديكى ضربدن
کريمه سى مولوده نک وفاته سببيت ويرديكى ادا
اولنمسندن دولايى جنایته اتهام اولنان عاکف افنديک
بش سنه مدته کورکه قونلسنه دائر سيواس ولايتى
استيناف محكمه سى جزا دائره سندن اعطا قلنان ١٥٣
نومرولى اعلام

بيع وفروخت ايچون قچاق اوله رق خانه سنه
باروت صاقلاديني ادا اولنمسندن دولايى جنایته
اتهام اولنان حقي بن حاجى عارف افنديک اوچ
سنه مدته کورکه قونلسنه دائر قريه سى سنجاغى بدایت
محكمه سى جزا دائره سندن اعطا قلنان ١٣ نومرولى
اعلام

محمد فرحونک ماده قتلندن دولايى جنایته اتهام
اولسان محمد بن عثمانک اون بش سنه مدته کورکه
قونلسنه دائر دياربکر ولايتى استيناف محكمه سى جزا
دائره سندن اعطا قلنان ١٠٦ نومرولى اعلام محکمه
تميز جزا دائره سنجه تصديق قلنمشدر .

٤٥١ نومرولى نسخه ده مندرج درسعدت
جنایت محکمه سى اعلاننک مابعدى :

محل مذکورده خطب اسکله سنه بيتوتله کيجهرلى
طوبخانه ميداننده بارکيرچيلر نژدنده سورچيلک
ايتديکنى سويليان اون التى ياشنده غلاچقوله طومه
ولد بورکى وقعنه کونى صباحلين ساعت اون ايکى
قرارلرنده متهم ميشون ايله مقتول توفيق ، يوسفک
قهوه خانه سى اوکنده منازعه ايتمکده اولدقلى کوره رک
باقنده ايکن مقتول توفيقک ميشونه بر قاج توقات
اورمى اوزرينه مرقومان يکديکرينه صارلمش ايسه لرده
اسمى بيلمديکى بر شخص آره لرينه کيروب تفريق
ايتدکدن صکره مرقومان يرلرندن آيرليوب يکديکرينه
باقنده لر ايکن متهم ميشون توفيقه کل کوستره دمديسيله
ايکيسى برلکده اودون اسکله سنه طوغرى کيندکلى
وسائقه مراقله کندوسيده آللى تعقيب ايتدکده
اوراده مرقومان يکديکرينه صارلوب نزاعه باشلا .
دقلىر ائنده ميشون توفيقک بلنده بولنان چاقينى
چکدرک توفيقى جرح ايله ريخته قاجديقى ومجروحنه
بوروبه رک يوسفک قهوه خانه سى اوکنه قدرکلوب
اوراده دوشدبکنى و بووقعنى کندوسى کي سیر
ايتمکده بولسان سرسرى بر روم چوجنى ميشونک
فرارنى معقب مامورينه در دست ايتديرديکنى کور

ديكني استنطاق وجهه ياد وشهادتكم حاضر بالحاكم
مهم ميشون حقننه اولديني ايراد ايلدي .
شهادت واقعيه قارشو نه ديه جي مئمن
صوردلقد سبب درميان ايمه رك قبول ايمه جكني
سويلدي .

ينه محل مذكوره ساكن باركيجر كنخداسي
قرق ايكي ياشنده قوري جايلى مولود بن شعبان دخي
قوه خانه قوه ايمكه ايكن توفيق ايله مهم
ميشونك ميدانه منازعه ايتدكرى انشاده توفيق
ميشونه ايكي توفات اورمى اوزرنيه مهم ميشون
توفيقه خطاباً ايله قبا دايلى اولماز كل كوسترم
ديسميله توفيقده نيايه جقسك ديه رك مرقومى لعقيب
ايدوب ايكيى برلكده ويران برآرله كيملى
اوزرنيه انلرك بولندي عله باقده ميشونك توفيق
بدنه ايله برقاچ حركت ايمى عقبنده توفيق اولدم
ديو فرياد ايدرك اياغى طولديني واوزمان مهم
ميشونك قاجديني وبركلخن بكنكه ميشونى لعقبه
باشلاديني ورمدت صكره توفيق وفات ايتديكى
كوردىكى استنطاقى موجيجه اخبار وشهادتكم مهم
ميشون حقننه اولديني تذكار ايلدي .

شهادت واقعيه قارشو نه ديه جي عندالاستفسار
مهم ميشون سكوتى اختيار ايلدي .
آلت قتل اولان جاقى امانت ماموريتك بوله ما
مش اولديني جهته بالضرور مهم وشاهدله ارانه
اوله مدي .

طرفيك توسيع تحقيقاته متعلق طلبلى اولديني
لدى السؤال اكلاشامغله تحقيقاتك بوند عبارت
اولديني تفهم اولدقه معاون مومى ايله مهم ميشونك
توفيقى بالمنازعه جرح و قتل ايتديكى ثابت اولديندن
اول وجهه مجرميتك تحت قراده آلتنى طلب وادما
ايلدي .

مدافعه وكلى واسيل زاخاريدى افنديه موكلى
ميشون ايله مقتول توفيق منازعه ايتدكرى ومقتول
توفيق موكلنى توفيقه ضرب ايتديكى جمله شهادت
بولتنه والى قتل دنيلان چافيك توفيق چاقيسى
اولسنه نظراً موكلنك حضور محكمه ده كى افاده مى
وجهه مرقوم توفيق ضربندين تخلص كرسيان
وتوفيق كندونسه وقوعولان هجومه قارشو مدافعه
نفس وجان ايمچون مرقومى ايتديكى وبصره ده
ميشونه براى تعرض بدنه بولنان چافيك اوزرنيه
دوشه رك مجروح اولديني وازجر حدن وفات ايتديكى
اكلاشامغه بولنديندن موكلنك مدافعه نفس ضمنده
اشوقلى اشاع ايتش ايدوكنه وبوجهت قبوله شاين
كوردىكى صورتده بالقابله قتل فعلنك فاعلى اولدينه

قرار اعطاسنى استدعا ومتهمده بشقه ديه جي اولديني
انبا ايلاريله محاكمه ك ختام بولديني بالتفهم مذاكره
اوطه سنه كيدلى .
(بقيه مى كله جك نسجه به)

زبيده وخديجه خاتملك زينب خاتملك اموالنه
ايراث خسار ايتدكرى اكلاشيله مديندن برانلرنيه
حليمك مال مسروقى بيله رك آلدينى اكلاشيله
مديندن برانته
حامدك عزيزى ضرب ايتديكى ثابت اولديندن
برهفته حبسنه
حسين اغايه اطاله لسان ايدن نشان طاشنده
ساكن كاتب مصطفى افندين ايكي ايرا جزاى قدى
اخذيته
زقافورده كورلى وشاته ايلديكي ضبط ورقسيه
ثابت اولان اوطه جى ادم بن عثمانك برهفته حبسنه
واون بشلك جزاى قدى اخذيته

اجراى ماموريت حالنده پوليس حلى افندي به
حقارت ايدن ايتاليا دولتي تبعه سندن ياقودن ايكي
ايرا جزاى قدى اخذيته
زاروحي به اطاله لسان ايلديكى ثابت اولان
بك اوغلنده ساكن افندين بر ايرا جزاى قدى
اخذيته
يوركي ايله بانينك اشياى سرق ايدن ديوارجى
علكسينك اوج آي حبسنه ومال مسروق بدلى اولان
سكز مجيده نك تحصيله

حقينك خلاف تنبيه اوزرنده سلاح طاشيدنى
اصولاً ثابت اولديندن بش بشلك جزاى قدى آلتنه
ارداش ايله نيكونك رسولى ضرب وجرح
ايتدكرى ثابت اولديندن بر هفتة حبسلرنيه
نيقولى وطودورينك مارينك جاملرني قيردقلى
ثابت اولديندن اوزر بشلك جزاى قدى اخذيته
براشكوه وانا ساطاشك مارقونى ضرب ايتدكرى
ثابت اولديندن بر هفتة حبسلرنيه

خايل ايله مولودك يكديكرى ضرب ايتدكرى
ثابت اولديندن مولودك يكديكرى كون وخليك برهفته
حبسلرنيه
نادره وعايشه ودره خاتملك جلال افندينى
ضرب ايتدكرى ثابت اولديندن نادره نك اون كون
ويديكرلرينك بر هفتة حبسلرنيه
مناحك قوجى حسنك اوطه سنه سرق قصديله
كردىكى ثابت اولديندن آلتي آي حبسنه
خرستونك قسطنيك اچمسنى اخذ ومسرق
ايلديكى ثابت اولديندن اوج آي حبسنه

خيرى افنديك اليك امواله ايراث خسار
ايتديكى وخلاف تنبيه سلاح طاشيدنى ثابت اولديندن
اون بش بشلك جزاى قدى آلتنه

صوتيرى به اطاله لسان ايله برابر مرقومى ضرب
ايلديكى ثابت اولان غازينوجى نيقولايكيدن ايكي ليرا
آلته رق مضروبه اعطاسه

صواحي طناشك ثودوسك البسمه سى سرق
ايلديكى ثابت اولديندن اوج آي حبسنه وختام مدتنه
ضابطه جه كفاله ربطه

شاخى عبدالحى ضرب وجرح ايتدكرى ثابت
اولان اربود كولى ياقى وبرادري خرسو ايله اورنه
كولى كريبافونك يكريشركون حبسلرنيه

تقسيمده ساكن چراق زيسوايله چراق مصطفد
نك يكديكرى ضرب ايتدكرى ثابت اولديندن بر
هفتة حبسلرنيه

غازينوجى يوركي به اطاله لسان ايلديكى ثابت اولان
ساعتجى ديراندن بر ايرا جزاى قدى آلتنه
واسيلك مضر غزنه صاندينى اكلاشيله مديندن
برانته

نيقوليك اني بي ضرب ايلديكى ثابت اوله مديندن
برانته

خيرينك حسيني ضرب وجرح ايلديكى ثابت
اوله مديندن برانته

ايساقلق ياقوفه اطاله لسان ايتديكى ثابت اولد
يغندن يارم ليرا جزاى قدى آلتنه
يكديكرى ضرب ايدن كورجى طروس ايله
بقال واسيلك اون بشر كون حبسلرنيه

يوانك اچمسنى سرق ايتدكرى ثابت اولان
ديونس ايله مارقونك اوج آي حبسلرنيه وختام
مدتنه ضابطه جه كفاله ربطلرنيه

شفيق افندينك سكز ليراسى سرق ايدن
يوان دولتي تبعه سندن قوچونك اوج آي حبسنه
وختام مدت جزاى سنده ضابطه جه كفاله ربطه
علينى ضرب ايدن قائم پاشاده ساكن پوليس
ابراهيم افندين اوج ليرا آلته رق مضروبه اعطاسه
درسعادت ، بك اوغلى واسكدار بدایت محكمه لرى
جزا دائره لرجه قرار و برلمشدر .

مخبره

معجزة الحيد قضائى بدايت محكمه مى اعضاستندن
مستطلق محمد امين و برنجى كاي محمد افنديرك وظيفه
ماموريتلرني سوه استعمال ايتدكرى موصل ولايتى
استيناف مدعى عمومى كندندن وارد اولان اوراق
تحقيقه مندرجاستندن اكلاشيله رق مومى اليهانك

محاكمه آلتنه آلتنه عدليه نظارت جليله سندن
مأذونيت اعطا واولوجهه محلته تبليغات لازمه ايفا
قلمشدر .

الاعلان

درسعادت استيناف مدعى عمومى كندندن :

اوجوز يكرمى بر سنه مى ايلولنك يكريمنى
صالى كيجمى استنده كرج فاربعه سنده بكجي
مصطفاه قتل قصديله تشهير سلاح ايلديكى ادعاسيله
مظنون اولوب غير موقوف بولنان مذكور فاربعه ده
ساكن اوزون بولى ، بغدادى بكزلى ، قمرال قاشلى
الاكوزلى ، مطروش چكلى يكري بش ياشنده يونان
دولتي تبعه سندن نيقوليك اصول محاكمات جزاى سبه
قانوننك مواد مخصوصه مى احكامنه توفيقاً جنايت
محكمه سنده محاكمه مى اجرا قلندى اوزره قانون جزانك
يوز سكسانجى ماده سنك علاوه مى موجيجه جنايتله
اتهامنه قرار و رلايدكيدن مهم مرقومك محكمه
مذكوره توقيف خانه سنه تسليمى لازم كله جي بالجله
ضابطه عدليه مامورلرينك معلومى اولقى اوزره اشبو
اخذ وكرفت مذكره مى درسعادت هيئت اتهاميه سندن
بالنظم اعطا قلندى .

درسعادت جنابت محكمه سنده :

ارباب فساددن اولدقلى ادعاسيله مهم اورنه
بولى ، الاكوزلى ، غاندا بولى ، اورنه اغزلى ،
قمرال بيقى ، تراش ومدور چكلى ، يوزلاق چهرملى ،
اورنه وجودلى ، بغدادى رنكللى ، صاغ الى سابه
يارمنى سقط يكري آنى ياشلارنده جورلى طاقفور
ولد اغوب پهلوانيان ايله اورنه بولى ، آزطيقنازجه ،
اسمر بكزلى ، سياه قاش وكزلى ، سياه آز بيقى
يكري يدى ياشلارنده سر كز حقلارنده اصول محاكمات
جزاى سبه قانوننك اوجوز بتمش برنجى ماده مى
موجيجه معامله مقتضيه ايفا ومعامله غيايه لرى
بالاجرا نتيجه سنده مرقومانك فعل مذكورده جراتلرى
ثابت اولديندن قانون جزانك اللى سكزنجى ماده سنك
فقره اولاسنه توفيقاً مؤبد قلع بندين ايللرنيه و اوتوز
برنجى ماده قانونيه منطوقجه حقوق مدنيه دن اسقاطيله
اموال محجوزه لرنيك على الاصول اداره ايتديرلسنه
محكمه جنايتدن حكم اولمش واصول محاكمات جزاى سبه
قانوننك اوجوز بتمش برنجى و اوجوز بتمش سكزنجى
واوجوز سكسان برنجى ماده لريله مواد ساترمه مى
احكامنه توفيق معامله اولمشى مرجعه بيلدبرلمش

اولمسله مذكور اوجوز بتمش سكزنجى ماده سنك
جمله احكامندن اولدينى وجهه اعلان كيفيته ابتدار
قلدى .

ضرب وجرح وجبراً باره اخذى وتشهير سلاح
ماده لرندن طولاني مهم وائلى حسن وعليدن حال
فرارده بولان مرقوم حسن حقننه اصول محاكمات
جزاى سبه قانوننك اوجوز بتمش برنجى ماده مى
موجيجه معامله مقتضيه ايفا ومحاكمه غيايه مى
بالاجرا نتيجه سنده مرقوم حسنك پاولينك دكاندن
معامله شديده اجرا سيله اچم سرق و دستكاهدارنى
جرح و چراغى ضربه جرأت ايتديكى ثابت اوله رق
قانون جزانك ايكي يوز يكري برنجى ماده سنه توفيقاً
اوج بيق سنه مدته كوركه قولتنه و اوتوز برنجى
ماده قانونيه منطوقجه حقوق مدنيه دن اسقاطيله
اموال محجوزه سنك اداره ايتديرلسنه محكمه جنايتدن
حكم اولمش واصول محاكمات جزاى سبه قانوننك اوجوز
بتمش برنجى و اوجوز بتمش سكزنجى و اوجوز سكسان
برنجى ماده لريله مواد ساترمه مى احكامنه توفيق معامله
اولمشى مرجعه بيلدبرلمش اولمسله مذكور اوجوز بتمش
سكزنجى ماده نك جمله احكامندن اولدينى اوزره
اعلان كيفيته ابتدار قلندى .

تجارت بحريه محكمه سنده :

بكي جامعه بوسته خانه جوارنده رضوان خان
آلتنده ساكن ايكن تجارت بحريه محكمه سندن افلاسنه
حكم اولمش اولان اجزا تاجرى يتروس بالاش
اوغلنك خصوصات افلاسنه سنك رؤيت وتسويه مى
ضمنده دعوى وكيللرندن عثمان طلعت بك ايله
واسيلكى زاخاريا ديس افدى اصالة سنديك تعيين
قلنش اولدقلى مفسس مرقوم ذمتنده آله جنى
اوللرك قانوننامه تجارتك ۱۹۹ و ۲۰۰ نجى ماده لرى
موجيجه تحقيق ديون ايمچون تاريخ اعلاندن اعتباراً
يكري بركون ظرفنده سندائى محكمه كايته تسليم
ايللرى ومدت مذكوره ختامندن صكره اوج
كونده يعنى ۳۲۲ سنه مى مارتنك يكري ايكنجى
چهارشنبه يكري اوجنجى پنجشنبه ويكرى بشنجى
جمعه ايرتسى كونلرى تجارت بحريه محكمه سنك
مصالح افلاسنه رؤيته مخصوص اوطه سنه كله رك
سنديك افنديلر مواجهه سنده آله جقلىرى اثبات
وقيد وتصديق ايتدبرملرى ومدت مذكوره اثبات
وجود ايدمىان آله جقلىر حقننه قانون مذكورك
۲۱۰ نجى ماده سنه توفيقاً ايفاى معامله اولنه جنى
اعلان اولنور .

چارشوى كبريه اورنجيلار جاده سنده سكر
نومرلى دكانده مافى طوره تجارتدن ثودور اميرزه
اوغلنك ۱۵ شباط سنه ۳۲۱ تاريخندن اعتباراً اعلان
افلاسنه ومصالح افلاسنه نك رؤيت وتسويه مى ضمنده
اعضاى محكمه دن سعادتلو ابراهيم بك زور قوميسر
وعثمان طلعت بك ايله ميساق طوروسيان افنديك
موقت سنديك تعيينلرنيه ومغازه سيله اشياى زانده
بنيته سنك تمهيريته واوراق ودقارتنك جلنه وكفالت
ارانه ايدمىكى تقديرده حبس وتوقيفه وبوبادىكى
قرارك موقه اجرا سنه تجارت بحريه محكمه سندن قرار
وبرلمش اولديندن قانوننامه تجارتك ۱۷۰ نجى
ماده مى موجيجه دائى سديكر انتخاب اولقى اوزره
[۱۵ مارت سنه ۳۲۲] چهارشنبه كونى ساعت اللى
راده لرنده اصحاب مطلوبك محكمه مذكورنك مصالح
افلاسنه رؤيته مخصوص اوطه سنه كللى اعلان
اولنور .

غلطه ده كنكش محله سنده طوبخيلرده ترامواى
بولنده ۱۴۲ نومرلى دكانده ساكن ايكن تجارت
بحريه محكمه سندن افلاسنه حكم اولمش اولان خفاف
محمد افدى ابن مصطفانك خصوصات افلاسنه سنك
رؤيت وتسويه مى ضمنده دعوى وكيللرندن كركور
مانديكيان افدى اصالة سنديك تعيين قلنش
اولديندن مفلس مرقوم ذمتنده آله جنى اوللرك
قانوننامه تجارتك ۱۹۹ نجى و ۲۰۰ نجى ماده لرى
موجيجه تحقيق ديون ايمچون تاريخ اعلاندن اعتباراً
يكري بركون ظرفنده سندائى محكمه كايته تسليم
ايللرى ومدت مذكوره ختامندن صكره اوج
يعنى ۳۲۲ سنه مى مارتك يكري اوجنجى پنجشنبه
يكري بشنجى جمعه ايرتسى ويكرى بشنجى بازار ايرتسى
كونلرى تجارت بحريه محكمه سنك مصالح افلاسنه
رؤيته مخصوص اوطه سنه كله رك سنديك افدى
مواجهه سنده آله جقلىرى اثبات وقيد وتصديق
ايتدبرملرى ومدت مذكوره اثبات وجود ايدمىان
آله جقلىر حقننه قانون مذكورك ۲۱۰ نجى ماده سنه
توفيقاً ايفاى معامله اولنه جنى اعلان اولنور .

ايكنجى تجارت محكمه سنده :

استانبولده اوزون چارشو جاده سنده آيه جى
خان آلتنه كى دكانده اجراى تجارت ايتكمه ايكن
ايكنجى محكمه تجارتدن افلاسنه حكم اولمش اولان
تجاردن ياقى نيقولايديك عندالتديق ياقى قاناره لى
ايله مشاركتى اولدينى تحقق ايتكمه شركت مذكورنك
خصوصات افلاسنه سنك رؤيت وتسويه مى ضمنده
دعوى وكيللرندن احمد مختار بك وشعمون لوى

افندی اصالة سندیک تعیین قلنمش اولدقلرندن مفلس مرقوم ذمتنده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون تاریخ اعلاندن اعتباراً یکرمی بر کون ظرفنده سنداتی کاتبه تسلیم ایللری ومدت مذکوره ختامندن صکره اوج کونده یعنی اوجبوز یکرمی ایکی سنه سی مارتک یکرمی اوجنجی پنجشنبه ویکرمی بشنجی جمعه ابرتسی ویکرمی یدنجی بازار ابرتسی کونلرند ایکنجی محکمه تجارتک افلاس اوطه سنه کله رک سندیک افدیلهر مواجهه سنده اله جقلری اثبات وقید وتصدیق ایتدیرملری ومدت مذکوره ده اثبات وجود ایده میان اله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

قوزغنجقده اسکله باشنده کائن فرونده مقیم ایکن ایکنجی محکمه تجارتدن افلاسنه حکم اولنش اولان قسطی جاشفانک خصوصات افلاسیه سنک رؤیت وتسویه سی ضمتنده دعوی وکیللرندن ماناس انامونارخی ویاقویدی واهونوپلوسی افدیلهر اصالة سندیک تعیین قلنمش اولدقلرندن مفلس مرقوم ذمتنده اله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایللری ومدت مذکوره ختامندن صکره اوج کونده یعنی ۱۸ و ۲۰ و ۲۱ مارت سنه ۳۲۲ جمعه ابرتسی و بازار ابرتسی وصالی کونلری ایکنجی محکمه تجارتک مصالح افلاسیه رؤیتنه مخصوص اوطه سنه کله رک سندیک افدیلهر مواجهه سنده اله جقلری اثبات وقید وتصدیق ایتدیرملری ومدت مذکوره ده اثبات وجود ایده میان اله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

اطنه تجارت محکمه سنده :

اطنه ده باغ جامع شریفی جوارنده مقیم تجاردن محاق دلایانک اعلان افلاسنه و مصالح افلاسیه نک رؤیت وتسویه سی ضمتنده دعوی وکیللرندن کریاقو افدینک موقت سندیک تعییننه و مغازه سیله اشیای زائده بیتیه سنک تمهیرینه واوراق ودفاترینک جلبنه و مرقوم حال فرارده بولندیقندن اله کچدیکی اده کفالت لازمه ارايه ایدنجیه قدر حبسنه وبوبابده کی قرارک موقتاً اجراسنه اطنه ولایتی تجارت محکمه سنندن قرار ویرلش اولدیقندن قانوننامه تجارتک ۱۷۰ نجی ماده سی موجبجه دائمی سندیک انتخاب

اولتی اوزره ۲ مارت سنه ۳۲۲ پنجشنبه کونی ساعت یدی راده لرند اصحاب مطلوبک محکمه مذکورک مصالح افلاسیه رؤیتنه مخصوص اوطه سنه کله رکی اعلان اولنور .

اطنه ولایتی تجارت محکمه سنندن افلاسنه حکم اولنش اولان اطنه ده مقیم ماکنه جیان اغوبک خصوصات افلاسیه سنک رؤیت وتسویه سی ضمتنده دعوی وکیللرندن کریاقو افدینک اصالة سندیک تعیین قلنمش اولدیقندن مفلس مرقوم ذمتنده اله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایللری ومدت مذکوره ختامندن صکره اوج کونده یعنی کله جک بیک اوجبوز یکرمی ایکی سنه سی مارتک یدنجی صالی و سکزننجی چهارشنبه وطقوزنجی پنجشنبه کونلری محکمه مذکورک مصالح افلاسیه رؤیتنه مخصوص اوطه سنه کله رک سندیک مومی الیه مواجهه سنده اله جقلری اثبات وقید وتصدیق ایتدیرملری ومدت مذکوره ظرفنده اثبات وجود ایده میان اله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

درسعادت اعومات نظامیه اجرا داره سنده :

محمد امین افدینک عمر عادل افندی ذمتنده کی محکوم به آله جقلندن طولای مدیون مومی الیهک عهده تصرفنده اولوب محجوز بولنسان چارشوی کیرده قالباچیلر باشنده ترزی باشی زقاغنده واقع اون طقوز نومرولی برباب دکانک نصف حصه سی اجرا قلنان مزایده نتیجه سنده لیرای عثمانی یوز غروش حسابیه درت بیک غروشه مشتریسی عهده سنده تقرر ایدرک موقه قرار داده سی کشیده قلنمش اولدیقندن یوزده بش ضم ایله طالب اولنلرک تاریخ اعلاندن اعتباراً اوتوز بر کون ظرفنده درسعادت اعومات نظامیه اجرا داره سنه مراجعت ایللری اعلان اولنور .

حاجی عثمان افدینک محمد رفعت افندی ذمتنده محکوم به آله جنی اولان مبالغک تأمین استیفاسی ایچون مدیون مومی الیهک پدرندن منتقل قدرغه ده شمسوار بک محله سنده بوستان زقاغنده تخمیناً یوز التمش آرشون عرصه اوزرینه مبنی زمین قاتیله برابر اوج قاندن عبارت اون اوج اوطه وایکی صفه و بر مطبخ وایکی حولی و اودونلنی حاوی تخمیناً درت یوز سکسان آرشون باغچه سی حاوی اون نومرولون برباب خانه نک

نصف حصه سی اجرا قلنان مزایده نتیجه سنده لیرای عثمانی یوز غروش حسابیه سکز بیک غروشه طالبی عهده سنده تقرر ایدرک موقه قرار داده سی کشیده قلنمش اولدیقندن یوزده بش ضم ایله طالب اولنلرک تاریخ اعلاندن اعتباراً اوتوز بر کون ظرفنده درسعادت اعومات نظامیه اجرا داره سنه مراجعت ایللری اعلان اولنور .

بک ارغلی بدایت محکمه سی اجرا داره سنده :

غازینوچی قره یانینک اوغیر قادین ذمتنده محکوم به آله جنی اولان یتیمش بر لیرانک مع فائض و مصارف محاکمه تأمین استیفاسی ضمتنده مدیونه مزبورک عهده تصرفنده اولوب حجز آلتیه آلنسان فری قریه سنده چوبان اوغلی زقاغنده کائن یکرمی الی ویکرمی سکز نومرولرله مرقم اون سکز بیک غروش قیمتلو وقف اولوب صغیر وکیر بش اوطه و مطبخ و صوفه وکیلار و آلتینده کورجی دکانی و یوز قرق ایکی آرشون باغچه سی مشتمل بولنان برباب خانه ایله درونسنده بر قیوی حاوی براقه نک تاریخ اعلاندن اعتباراً اون بش کون صکره بالمزایده فروخته نشبت اولنه جقلندن طالب اولوب دها زیاده معلومات آلتی استیانلرک بک ارغلی بدایت محکمه سی اجرا داره سنه مراجعت ایللری اعلان اولنور .

ازمیه سنجانی بدایت محکمه سی اجرا داره سنده :

درسعادتده یمش اسکله سنده ۷۷ نومرولودکانده مقیم پیرجی اصنافندن حاجت اوغلی یورکینک ازمیده شیخلر محله سنده مقیمه متوفی اغوب زوجیه سی واطوهی قادین ذمتنده بر قطعه اعلام شرعی موجبجه اله جنی اولان مبالغ معلومک تأمین استیفاسیچون مدیونه مزبورک ازمیده چارشو محله سنده واقع جانب یعنی قزاز اوغلی حاجی قصاب ولد قره بت یساری قصاب ملقون اوغلی حاجی اغوب زوجیه سی انطران بنت اطام خانه لری ارقه سی عثمانلی اوغلی کیرقور ولد اوخانس خانه باغچه سی جبهه سی طریق عام ایله محدود درت اوطه اوج صفه ایکی کیلار بر مطبخ و بر آخوری حاوی صرف ملک برباب خانه سنک بو کره فروختی قرارلشدیرلش اولدیقندن تاریخ اعلاندن اعتباراً اون بش کون صکره بالمزایده فروخت اولنه جنی ازمید سنجانی بدایت محکمه سی اجرا داره سنندن اعلان اولنور .